

FOTOGRAFIA E AFRIM SPAHIU

Eshtë në sheshxhirim për herë të dytë që nga koha kur ndodhej në Gjirokaster për "Lule të kuqe, lule të zeza" film i regjisorit Mevlan Shanaj, (2002). "Breaking news" e sjell sërish në Shqipëri, natyrën e të cilës drejtori kosovar i fotografisë e vlerëson në veçanti për drithën. Filmi në fjalë e ka ngacmuar shumë Afrim Spahiun, ngase këtu përfshihen, përveç historive që janë të njohura për situatën para, gjatë dhe pas luftës në Kosovë, edhe stinët e vitit që i japin mundësi për një realizim të veçantë të fotografisë, duke pasqyruar ato bukuri që ofrojnë vetvetui. "E rëndësishme për fotografinë e këtij filmi, që më shumë ka marrë formën e një fotografie dokumentare, është dhënia e realitetit që ka qenë".



Në foto: Regjisorin Agim Sopi (majtas) dhe drejtorin i fotografisë Afrim Spahiun

REGJISORI AGIM SOPI, NË FIER PËR XHIRIMET E NJË FILMI DRAMATIK

"BREAKING NEWS" NJË HISTORI PËR 10 MIJË TË PËRDHUNUARAT

Elsa DEMO

FIER-UNMIK nuk ka lejuar që skenat e luftës, edhe aq pak sa janë, çerek ore, madje as pushkët rekuizitë të mos përdoren në sheshin e xhirimit. Kjo është arsyeja që regjisorin kosovar Agim Sopi po xhiron në Shqipëri, në Azotikun e shkretët të Fierit kryesisht dhe më tej, pak ditë në Tiranë. E nëse mund t'i quash skena luftime këto tek Azotiku. Erë luftime përhap vetëm ajo tymosja ushtarake me pak barut. "Breaking news-Edicion i jashtëzakonshëm" është një film për pasojat pasluftës në Kosovë, konkretisht tek ajo pjesë e pambrojtur e vajzave dhe grave të përdhunura nga paramilitarët serbë, që më pas u gjenden në mes të hicit e të braktitura nga të vetet.

Ky është një produkt i shtëpisë filmike "AsFilm Production" dhe i Ministrisë së Kulturës së Kosovës, që po realizohet me një buxhet 600 mijë euro. Skenari është shkruar nga regjisorin Agim Sopi i mbështetur në veprën "Muzgu i Lirisë" i Teki Dervishit. Në rolet kryesore interpretojnë Lumnije Sopi në rolin e Emës, aktori amerikan Douglas Berrow si dhe Deivid Shvorc, Enver Petrovcki në rolin e gjeneralit Lilliq, Blerim Gjoci si komandant Stpati, Blerta Sylja gazetare etj.

"Breaking news" do të jetë gati në vjeshtë. Çfarë është "Breaking News" që ju ka sjellë për xhirime në Shqipëri?

Është një dramë që flet për fatin e një gazetareje shqiptare dhe një gazetari amerikan. Motivët janë marrë nga lufta, ndërsa drama në të vërtetë zhvillohet pas luftime, pra merret me pasojat e luftës. "Breaking news" është marrë nga raportet e drejtpërdrejta të luftës së gazetareve amerikanë. Me pak fjalë subjekti është ky: Dy gazetare amerikanë dhe një gazetare shqiptare që shërben nëjherësh si përkthyes, raportojnë nga linjat e frontit gjatë luftës së Kosovës. Kur ashpërshoren bombardimet e NATO-s, amerikanëve iu vjen udhri që të tërhiqen, ndërsa shqiptarja mbetet me familjen e vet. Kthehet në Prishtinë e zbrazur nga forcat serbe, ikën në një kamp refugjatësh që nuk vonon dhe rrethohet nga serbët. E zënë bashkë me të tjerët. Ata e njohin vajzën, pasi ajo ka qenë gazetare e shquar që ka punuar për shumë agjenci të huaja dhe në shenjë hakmarrjeje e përdhunohet.

Jeni nxitur nga ndonjë histori reale? Kam ndodhur shumë gjëra në Kosovë dhe në këtë film ka episode që kanë ndodhur vërtet, ndërsa personazhet janë imagjinarë. Protagonista është Ema Berisha që nuk ka të bëjë me ndonjë emër real, ndërsa protagonistin amerikan Deivid Shvorc. Ky është një gazetare, hebre në origjinë. E lidh një dramë e veçantë me Kosovën. Prindërit e tij kanë qenë të burgosur në një kamp nazistësh në Prishtinë, gjatë Luftës së Dytë Botërore edhe babai i tij për të shpëtuar të emën shtatzënë, është dorëzuar vullnetarisht. Babai i vritet në Kosovë. Kështu

që e lidh një motiv emocional që e detyron të kapërcejë rreziqet gjatë raportimit nga Kosova.

Atëherë është një film për luftën? Filmi prek një temë delikate, fatin e femrës së përdhunuar aksidentalisht dhe pasojat që i shkakton shoqëria jonë e cila në vend që t'i shërojë plagët, i hap plagët të reja. Vajza ka mbetur shtatzënë me të dashurin e saj, të gjithë i kthejnë shpinën, sepse mendojnë se femija është një "bastard serbi". Kështu nga një gazetare idhull i njerëzve gjatë luftës, Ema shndërrohet në një krijesë të urreyer, të lënë, të braktitur.

Është dhe një film akuzë? Këtu nuk akuzohet asnjëra palë. Thjesht tregohet një histori. Akuzohet moralisht një realitet i vrazhdë që ne nuk jemi të gatshëm ta perceptojmë. Nëse ndodh një fatkeqësi pa dashjen tënde, njeriu duhet të shtrijë dorën për të ndihmuar dhe jo të kthejë shpinën. Filmi është një shenjë respekti për më shumë se 10 mijë femra të përdhunura dhe shumë fate të tilla në Kosovë që tani vuajnë larg syve të njerëzve, larg syve të botës. Dhe realisht për këto askush nuk është përgjigjur deri tani.

Kineastët nga ish-Jugosllavia po tentojnë ta shohin realitetin pas luftime edhe si një situatë rehabilitimi. Keni bërë më parë një film për luftën? Po me "Breaking news" çfarë tentoni të thoni? Nuk e di. Është diçka krejt subjektive. Unë thuasje gjatë gjithë luftës kam qenë në Kosovë,



Në foto: Protagonistja e filmi Lumnije Sopi

në të gjitha anët e Kosovës, gjithnjë në ikje e sipër. Kam parë shumë tmerre me sy që as nuk mund të përshkruhen.

E vërteta pse nuk kam bërë më parë një film për luftën është e thjeshtë: më është dashur një distancë kohore që të shkarkohem emotivisht që të mos i bëj gjërat me emocion. Shpresoj se tani është krijuar ajo distancë kohore, duke i parë gjërat ashtu siç janë dhe jo bardhë e zi. Nuk jam i prirur për t'u tallur me një realitet tepër të hidhur siç ka qenë, po as për ta dramatizuar më shumë se ç'duhet. Filmi nuk flet për luftën, por për fatin e njeriut të përdhunuar dhe

të braktisur nga të gjithë.

Mësuam se në Kosovë nuk ju kanë lejuar të xhironi disa skena luftime...

Ne, siç e dini jemi nën një administratë ndërkombëtare që megjithatë përpigjet t'i rrethojë gjërat sipas dëshirës së vet dhe t'i shohë që të mos i bëj gjërat me emocion. Shpresoj se tani është krijuar ajo distancë kohore, duke i parë gjërat ashtu siç janë dhe jo bardhë e zi. Nuk jam i prirur për t'u tallur me një realitet tepër të hidhur siç ka qenë, po as për ta dramatizuar më shumë se ç'duhet. Filmi nuk flet për luftën, por për fatin e njeriut të përdhunuar dhe

DAGLLAS BERROW

Unë përpiqem ta imagjinoj luftën

Është vizita e tij e parë në Evropë ku nuk i ka rënë rasti të punojë. Douglas Barrow, aktori amerikan i shumë filmave fiction dhe në serialat e njohur televizive "Soprano", "Seksi dhe qyteti", interpreton rolin e gazetarit Deivid Shvorc në filmin "Breaking news" të regjisorit kosovar Agim Sopi. Nuk e ka shumë idene se ç'është lufta e vërtetë e Kosovës, cili ka qenë roli i gazetareve të luftës dhe këtë boshllëk e ka plotësuar me informacion nga interneti. Berrow e di ç'do të thotë të xhirosh një film amerikan, për prohimje që kushtojnë miliona dollarë, me dritat fantastike, me një staf gjigant njerëzish, me shumë ritëm, ndërsa në Azotikun e Fierit ve re se secili bën shumë punë. "Kam biseduar me shumë njerëz këtu për përvojën e tyre gjatë luftës në Kosovë dhe kam parë disa dokumentare. Unë përpiqem ta imagjinoj, por nuk mund ta njoh dhe kuptoj luftën, kjo mund të jetë gjë shumë e mirë në një kuptim. Kur je aktor duhet të menesh me shumë gjëra që nuk i ke përjetuar, nuk i ke provuar" - thotë Berrow. Ai ka pasur një skenë të veçantë në film, e para në karrierën e tij, me serbë. Para kësaj kishte marrë shumë këshilla nga të gjithë si të interpretojnë, sepse vërtet nuk mund t'i kuptonte, nuk mund të kuptonte në veçanti atë krenari që aktori thotë se manifestohet ndonjëherë edhe në Amerikë, pra ndjenja e të qenit i pathyeshëm.




Në foto: Lumnije Sopi dhe Dagllas Berrow

LUMNIJE SOPI

Gazetarët në Kosovë, syri i botës

Një hije disi e ngjashme me elegancën e franceses Emanuelle Beart, e brishtë, ndoshta ngaqë dhembja e saj diskrete e bën edhe më të bukur, 40-vjeçaren Lumnije Sopi. Pak e vështirë t'i besosh aktore kosovare, bashkëshorte e regjisorit Agim Sopi, kur thotë se është pak e demoduar. Tani më tepër ajo ndien, se pak role shkruhen për moshën e saj, kështu që Ema Berisha, roli i protagonistes që i është besuar Lumnijes ndoshta do të jetë shansi i saj i fundit. Ema është një gazetare që ballafaqohet me dhembjen e luftës që kanë përjetuar shumë vajza shqiptare. Një gazetare që ka studiuar në Kembrixh, vjen si ndihmëse e dy gazetareve amerikanë. Ngjarjet ndodhin më shumë pas luftës, ngaqë tragjedia më e madhe e Emës ndodh pas luftës, e dhunuar nga paramilitarët serbë. I dashuri i saj nuk e pranon, nuk do t'ia dijë nëse femija është i tyre. "Për mua ajo që u ka ndodhur shumë femrave shqiptare është tragjedia më e madhe se sa ajo që ndodhi në të vërtetë. Ka shumë raste kur kam dëgjuar për vajza që janë mbyllur në një dhomë të gjitha dhe gjatë natës kanë ndodhur gjëra të tmerrshme. Çfarë është bërë për rehabilitimin e tyre? Pak, pak fare pak. Roli im është një përgjegjësi shumë e madhe e imja. E ndiej aq të afërt atë që iu ndodhi vajzave shqiptare. Ti e di se je duke xhiruar, se ky është një film, se nuk është e vërtetë. Por gjithçka është aty, kërkon dikë të të ndihmojë, t'ia dalësh me realitetin. Kështu për Emën, askush nuk ishte aty. Dilemat janë gjithëherë në mua dhe nuk e di sa do kam fat ta shpreh atë që ndiej para kamerave." Aktorja kosovare në rolin e një gazetareje, karriera e të cilës shkatërrohet sa hap e mbyll sytë, pobon se gjatë kohës së luftës në Kosovë kanë qenë syri i botës. "Pa ta nuk do të ndodhte kjo që ndodhi. Po të mos kishin qenë ata, si do ta dinte bota çfarë po ndodhte në Kosovë. Ka qenë më shumë se përkrahje." Lumnije (Muça) Sopi ka studiuar anglisht me qëllim realizimin e ambicijes për t'u bërë një ditë aktore. Kjo ishte e pamundur, nuk kishte mundësi financiare. Mbeti një vajzë që e ka dashur shumë teatrin, edhe atëherë kur i dëban nga teatri në vitin 1990. Kaloi shumë kohë pa dalë në skenë, përkrah dramës që kalonte gjithë Kosova. Ndodhi pikërisht me të njëjtin rol, në teatër, pasi ky film është bërë edhe teatër me titull "Muzgu i lirisë", shkruar nga Agim Sopi me rolin e një vajze vepra e Teki Dervishit. Ky është versioni i fundit që Agim Sopi vendosi ta bëjë film. Lumnije Sopi ka interpretuar dhe në filmat "Njeriu prej dheut" dhe "Kulla", të dyja vepra të regjisorit A.Sopi. E.D



Enver Petrovcki në rolin e gjeneralit Lilliq. Lart, Petrovcki dhe aktorja Blerta Sylja

Ju ka vonuar kjo burokraci?

Më shumë se tre muaj. Kam trokitur derë më derë, nga instanca në instancë, por nuk gjetëm mirëkuptim. Unë do t'i falenderoj, megjithatë, të gjithë ata që kanë qenë të gatshëm për të mos e ndihmuar këtë projekt dhe për ta penguar në mënyra të ndryshme.

Kur përfundon realizimi i filmi?


Shpresoj në vjeshtë filmi të jetë gati.

Në vazhdim...

Kam edhe një projekt për luftën. Kam bërë një film të vogël po për luftën, para tre vjetësh, "Vjesh-ta e trëndafilave". Ky është i dyti dhe kështu pritet

të mbyll një triologji për plagët e luftës. Më nuk do të merrem me këto filma, me siguri. Më pas do të jetë një temë që më preokupon shumë, që prek fushën e mitologjisë. Është fati i një ushtari që e detyrojnë të luftojë. Duke ikur nga tmerrret e trashëguara në familjen e vetë, ai në të vërtetë futet në udhët e kriminit. Është histori e një Edipi të vërtetë. Ky Edip i Kosovës do ta ketë titullin "Maria e bukur". Është vërtet e habitshme se si pas tre mijë vjetësh në këtë gadishullin tonë, në Ballkan mitet i gjen të gjalla, të prekshme. Për botën është e papërceptueshme, por janë tepër reale, të vrazhda, jetojnë me ne, janë hijet tona.

FOTOT ARMAND ABAZI/ALNA



AKTORI KOSOVAR NË FILMIN "BREAKING NEWS" QË PO XHIROHET NË SHQIPËRI

PETROVCKI: MË THONË KOLONEL LLILLIÇ

FIER-Si në vaskën e "American Beauty" ku pezulli i shkumës është i mbuluar me fletë trëndafilash. Në vend të bjondes amerikane është një gjeneral i vërtetë, në moshë, po i fuqishëm. Quket gjeneral Lilliq. I përkëdhelëkurën bjonde gazetares së kapur peng, ndërsa kolegen shqiptare po ia sjellin në moment.

-Shqiptarka?... Si e shpjegoni zonjushë, ne ju ushqejme, ju shkonojmë, kurse ju na ngulni thikën pas shpine?! Mos bëj kështu! Për paradoks të luftës, e ndërsa gjenerali bën banjë, në kokë i rri një prift, një vullnetar luftime, për t'i nanuritur ungjijtë.

Enver Petrovcki për një orë ka mbetur në vaskën me trëndafilë. I shtojnë ujë të ngrohtë, pasi është akoma maj dhe mund të marrë ndonjë të ftohtë, aty në një kthinë të rrënuar të Azotikut të Fierit. Po, aktori i duron të gjitha. Aktori i njohur kosovar i skenës dhe ekranit për herë të dytë, në këto tri vite, qysh pas filmi "Lule të kuqe, lule të zeza", së bashku me drejtorin e fotografisë Afrim Spahiun, ndodhet në një shesh xhirimi në Shqipëri. Po xhirohet "Breaking news" i regjisorit nga Kosova Agim Sopi.

Aktualisht aktori dhe pedagogu i artit dramatik është duke ngritur një akademi teatri në Shtëpinë e Babës, siç e quan ai strehën e babait, dhe do ta quajë "Teatri i Babës". Ky është një reagim i artistit ndaj institucioneve në Kosovë, pasi asgjë nuk ka ndryshuar në kushtet e të bërit art në vendin e tij. Fajit mbetet, dikur i regjimit, sot i politikës.

Çfarë roli keni në film?

Luaj kolonelin Lilliq, një kolonel serb i cili kryen masakra në Kosovë. Ngjarjet janë para, gjatë dhe pas Luftës. Ky është një episod që e kam pranuar me kënaqësi dhe, një arsye e dytë është se kam dashur të ndihmoj regjisorin, skenaristin dhe producentin Agim Sopi, guximin e tij, duke marrë parasysh gjendjen jo shumë të mirë të filmi kosovar.

Është ky, gjenerali Lilliq?

Është si shumë gjeneralë të tjerë që ne i njohim fort mirë. Ata të vetëquajtur gjeneralë, kolonellë, oficerë të cilët kanë dëgjur fshatra dhe kanë masakruar në masë popullore në Kosovës.

Ose më saktë, populli i Kosovës nuk di kush kanë qenë ata. Bëhet fjalë për uniformën, paraushtarake, oficerë profesionistë, por më të tmerrshmit kanë qenë policët, civilët gjithashtu të cilët janë përlyer me gjak të shqiptarit. Më vjen mirë, edhe pse vonë, që filluan t'i tregojmë botës nëpërmjet filmi, që për mua është shumë më i fuqishëm se letërsia, gazetata, të tregojmë së paku një të vërtetë të vogël të krimeve që kanë bërë ata. Pas këtij filmi do të vijmë të tjerë, sepse mendoj se absolutisht nuk ka në Kosovë një njeri që të mos e ketë përjetuar një tragjedi, duke filluar prej meje.

Duke luftuar prej jush? Cila është historia juaj nga lufta?

Dy ditë para se të fillonte bombardimi,

"Kemi fituar lirinë, por s'k fituar mirëkuptimin për të bërë art. Njerëzit që drejtojnë artin janë krejt politikë dhe jo ata që dinë dhe e çmojnë artin. Sa do të vazhdojë kjo, nuk e di. Ndoshta për aq kohë sa partitë politike të vendosin kush do të jetë artist dhe kush jo. Kështu do të vazhdojë, si këtu si në Kosovë"

kam qenë me studentët e mi në një kafe dhe na kanë gjuajtur nga jashtë. Disa u plagosën unë gjithashtu. Me ndihmën e zotit shpëtova am, ndërsa Adriana Abullahun e kam vranë në vend. Por ky shpëtimi im mund të jetë i lumtur, për tragjedinë që ndodhi vajzës së re, 21-vjeçare. Pra nuk k njeri që të mos ketë një tragjedi shumë më të fuqishme ose më pak se sa ajo që më ka

harrorë këto dhe një prej mediave që i shpjegon më së miri këto, është filmi. Deri tani vendet e ish-Jugosllavisë janë realizuar filma që në një mënyrë a në një tjetër mbrojnë një palë, akuzojnë një tjetër, ndërsa ne tani me këtë film po fillojmë të tregojmë një prej të vërtetave që kanë ndodhur në Kosovë.

Meqenëse dolët në këtë pikë, a është ky një film që merr në mbrojtje apo akuzon, është një film objektivi dhe me këndvështrim të drejtpeshuar?

Sado që ky film do t'i duket dikujt i tmerrshëm, jeta ka qenë më e tmerrshme se ky film. Pra unë nuk besoj që kurrë ndonjëherë do të mund të tregohet tmerrri që ka ndodhur në Kosovë nëpërmjet filmi. Megjithatë ai do të ndihmojë të tregojë së paku një të vërtetë të vogël. Akuzë është pak, pasi akuzat nënkuptohet tek ky film. Duhet ditur çfarë ka ndodhur në Kosovë. Mjerisht nuk kemi shumë gjëra për ta dokumentuar këtë, nuk kemi shumë fotografi, xhirime të mjaftueshme, më tepër kanë bërë të huajt. Jemi popull që kurrë nuk mendon për histori.

Çfarë kishit parasysh me "gjendje jo të mirë" të kinemasë sot në Kosovë?

Nuk kam kështu të akuzoj. Nëse akuzoj kënd për këtë gjendje të kinemasë në Kosovë, atëherë më duhet të hyj në lojë me ta, të bëhem pjesë e tyre. Dua të them se njëherë të qeverisnin Kosovën, për momentin nuk janë të vetëdijshëm se ç'është kultura dhe sa kultura mund të ndihmojë popullin e Kosovës dhe të informojë botën se në çfarë niveli është Kosova. Edhe një herë nuk akuzoj kënd: aq dinë, aq punojnë.

Po ata që krijojnë?

Nuk e di për ata që krijojnë, për arsye se nuk kam shans që të krijojnë. Prej kohës së regjimit të Millosheviçit dhe 15 vjet më herët, artisti ynë kurrë nuk ka pasur shans deri në fund që të plotësojë kushtet me qëllim që bëjë atë që mendon. Kjo politikë vazhdon dhe më tej. Pra ne kemi fituar lirinë, por s'kemi fituar mirëkuptimin për të bërë art. Njerëzit që drejtojnë artin janë krejt politikë dhe jo ata që dinë dhe e çmojnë artin. Sa do të vazhdojë kjo, nuk e di. Ndoshta për aq kohë sa partitë politike të vendosin kush do të jetë artist dhe kush jo. Kështu do të vazhdojë, si këtu si në Kosovë.